

## Përms laišks

Mes sosètèkuom netikietā  
Gegožinie pu atlaidu.  
Nedroušē veiziejuom vēns ē kēta,  
Šuokont valsa sokorī.

Tuolēi nu anuos gīvenau –  
Kētam parapējēs galē,  
Tad pērma laiška parašiau  
Pri spēngsulelēs vakarē:

„Aš pasēēlgau Tava balsa  
Ē žvēlgsnē mielēnu akiu...  
Kumet bešuoksem šauni valsa?  
Kumet pabūsem dā karto?“

Po nadielēs ēr aš solaukiau  
Laiškelē mielēnam vuokē –  
Ēš džiaugsma linksma daina traukiau,  
Skaitīdams mienesēinuo vakarē.

Kuoks brongos tas laiškielis bōva,  
Parašīts ēš vēsuos šērdēis –  
Net atsēgolēs aš ē luova  
Džiaugiaus anou lēg naktēis...